

Oratio deliberatiua qua

probat^{ur} coniu^{ra}tos Gallia^e à conuen-
tu trium ordinum esse remouendos:

quam habuit dominus d' Aubi-

gny Cal. Sept. in collegio Har-

curiano præceptore Hamel-

lo procuratore Nor-

mania.



PARISIIS.

Ex Typographia Dionysij à Prato, via Amygdal-
lina, ad Veritatis insigne.

1577.

AD NOBILISSIMUM

Regijæ rarij tribunum Cha-
rissimum patrem suum

Annas Nouincius.

Sunt tibi sollicitæ regis certissima curæ

Munera, quæ Neustri porrigit alba manus.

Te magis arcta premit Musæ custodia castæ

In doctoque mihi das Helicone locum.

Regia dona tibi: si vatum regia, mitto,

Quam mitto gazam pectore, mente cape.

Ad suos amicos.

Dædaleo cursu commisi linthea ventis,

Dicite, percutiat sed minus aura ratem.



ORATIO

DELIBERATIVA,

qua probatur coniuratos Gallia

à conuentu trium ordinum esse remouendos:

quam habuit dominus d' Aubigny Cal.

Sept. in collegio Harcuriano præce-

ptore Hamello procuratore

Normaniæ.



Vod à deo Opt. Max. omni-
búsque cœlicolis supplex de-
precatus sum (humanissimi au-
ditores) me hodierno die in

vestra omnium præsentia id assecutum fa-
cillimo negotio arbitror. Nam cum omni
spatio antea actæ vitæ omnem meam curam
cogitationemque eò conferre voluerim, vt
tandem aliquando siquid vlla in re cõmo-
ditatis maturo consilio & explorata ratio-
ne dicendi (quæ plus tenuitatis quàm fœ-
licitatis habet) reip. Christianæ afferre pos-

sem, experirer: est cur profectò me dicentē
de re tempore accommodatissima vobis (ut
spero) non molesta debeat oblectare sum-
ma ad dicendum oblata cōmoditas. Ingre-
diendum nobis est duce Christo & auspice
Christo in augustissimum ac religiosissimū
veræ religionis templū: perlustranda mē-
tis oculo diuinæ ciuitatis ornamenta: quæ
& quāta sit hominū inter ipsos altissimis
defixa radicibus societas, quibus ritibus
Christianorum resp. administrari debeat;
cuius causa tot viri rerum gestarum magni-
tudine ornatissimi, quorum memoriam ex-
cipiant omnes anni subsequenteis, mortē
oppetere atque ad interitum ruere volūta-
rium non dubitarunt: imo potius vita quā
proborum hominum coniunctione carere
maluerunt, cogitandum est. Quis enim ho-
mini Christiano de re Christiana turpe
existimet dicere? Quis adolescentē nobi-
libus & religiosis parētibz ortum, religio-
sè educatum in schola Christiana optimis
moribus instructum, religionem tueri mi-
rabitur? Mirari (credo) desinet, cū illi in
mentem venerit lumen totius Græciæ De-
mosthenem toties de capite contendisse,

toties sua eloquentia Philippum Macedo-
niæ regem, perniciem reip. molientē fuisse
persecutum, Ciceronem Romanorum de-
cus bonis lateribus Antonium patriæ facem
expugnasse, Catilinam nouis rebus stu-
dentem maxima corporis mentisque con-
tentione expulisse. Quare nemo id vitio da-
bit, quod eruditissimis hominibus planèq;
sapientibus laudi datum fuisse pulcherri-
ma litterarum monumenta testantur. Præ-
clarum fuit tum Romæ, tum Athenis homi-
nes melioris notæ sese in discrimē vitæ sem-
per intulisse, maximè verò vbi de religio-
ne decertarent, quam pro aris & focus de-
fendendam existimabant. parissis verò im-
pium erit scilicet, causam religionis agere
eamque mordicus defendere. Liceat, liceat
Christiano, quod licuit pagano. Adeste igitur
animis (virī Christianissimi) qui iā cor-
poribus adestis, causam vestram cōtra gre-
gem perditorum virorum æquissimis auri-
bus intelligite: Nam infensissimos hostes
nostræ reipub. à celeberrimo cōuentu triū
ordinum reiiciendos perorabimus: modò
per vestram humanitatem foelicibus auspi-
ciis liceat incipere. Ante viginti annos Gal-

licana resp. auorum, ab auorum, tritauorū;
que nostrorū memoria longè Christianis-
sima, pacatissima per Clodoucos, Pipinos
& Valesios, qui adhuc reipublicæ nostræ
clauum tenent, acerrimos Christiani nomi-
nis defensores vsque ad hanc omnium ma-
lorum Iliadem, cultu diuini nominis, Im-
perij gloria, & vbertate agrorum, cæteris
antecelluit: vltimis tandem temporibus
primū Luterana lues, quæ vniuersam Ger-
maniam deturbarat, in Gallia miserrimo fa-
to latius serpere cœpit, atq; primo ingressu
Aquitaniā labefactauit, totūmq; Imperiū
Galliæ potentissimum in eandem calami-
tatem pertraxisset, nisi Frācisus huius no-
minis primus titulo Christianissimi Regis
insignitus pestiferos illorum conatus ar-
mis & cōsilio fregisset. Deinde Caluinista-
rum error secutus est, qui populum sua na-
tura pacatum violentissimis tempestatibus
concitauit, vt mare sua natura tranquillum
ventorum vi commoueri videmus. Inde fa-
ces, furia, tragœdiæ, vrbium oppressiones,
incendia, interneciones ciuium, direptiones
agrorum, expillationes templorum, licæ, ve-
nena, falsa testamenta & omnium malorum

genera in caput Gallorum redundarunt:
hinc duorum potentissimorū Regum Frā-
cisci secundi & Caroli noni luctuosus inte-
ritus: quorum ille breuissimum vitæ spatiū,
immensum gloriæ assecutus est, vt non mo-
do hæresim sed etiam hæreseos suspiciōē
funditus deleret: hic verò, vt erat natura
facilis, ad poenam tardus, ad præmia velox,
potius cohortationibus quàm armis flagi-
tiosos ciues ad politiores vitam pertrahere
conatus est. Poësiacā & Aurelianā cō-
sultationem celebrādam curauit: sed cū
suos conatus irritos esse animaduerneret, o-
ptimorū medicorum cōsuetudinem secu-
tus, qui quæ sanari non possunt membra,
amputant, nunquam satis laudata Diony-
siaca cæde suos hostes profligauit, tum fa-
talis parca tantæ victoriæ æmula illustrissi-
mū Principē (proh summe Iuppiter) cum
summo reip. dispendio eripuit. Actum erat
de regno Galliæ, nisi Héricus huius nomi-
nis tertius nuperrimè Rex Poloniæ saluta-
tus relicta polonia ad nos cōmigrasset, cu-
ius fortunato aduentu retardatos hostium
imperus, quis non videt? Vt igitur ignem
sopitū penitus extingueret, Blossiacum cō-

uentum celebrari iussit, cui interesse impu-
rissimos Gallos prohibuit ne coniuratio-
nes consequerentur. Illi enim cōsiliū pa-
triæ salutare non habent, remp. non e-
rigunt, sed euertunt: non iuuant ciues, sed
opprimunt: denique turpissimè viuunt.
Non igitur in deliberationibus publicis de
statu Ecclesiæ, quàm impiè spoliant: de sta-
tu hominum priuatorū, quorum agros de-
populantur: non de conditione clarorum
virorum, quorum leges perrumpūt, decer-
nere debent, vt rationum momentis pro-
babimus, dum modò attentè audiat. Ecce
celebratur, conciliū Blofiacū, cui debent
interesse tantum quorum sapientiæ rerum
sacrarum administratio cōmissa est. at im-
probi sunt sapientes scilicet, qui diripiunt
Gallos & Galliæ prouincias? hæretici, qui
diuina & humana iura violant? hæretici,
Qui publica itinera impediunt? hæretici
qui certissima Regis nostri vectigalia dila-
pidant? hæretici, qui denique magna &
grauia bella gerunt? hæretici. Sunt ergo fi-
deles. An non putas eos benè prælidere
frequentia trium ordinum, qui minantur
patriæ incendium? Nusquā gentium, Vt

enim si vnūquodq; membrū ad se proximi
membri valetudinem attraheret, totum cor-
pus frangi necesse esset: ita si qui consilio
præstet, religioni aduersetur, statim homi-
num communio pereat necesse est. At qui
poterūt fortasse resipiscere? *Preclare inquit ille,*
Syncerum nisi vas quodcunque infundis acescit.
Quare vt Medici membrum amputant, si
sanguine & spiritu carere cœperit, ne cæter-
is partibus noceat: sic ista belluarum ferit-
as in figura humana à societate, ne cæteros
cōtagione in laqueos erroris inducat, segre-
ganda est. Quoties ego in hos viros nouarū
opinionum fluctibus obrutos inspicio, to-
ties mihi venit in mētē aurea poëte sentētia.
Ense rescindendum, ne pars sincera trahatur. Quid
licebit ne cum illis de rebus ad statum di-
uinum pertinētibus consilium capere, qui-
bus ne aue quidam dicere oportet? cū ip-
sis statuere quo pacto benè præsent sacer-
dotes, que ne familiæ quidem suæ præesse
norunt? O præclarum triumphum! ô fœli-
cem Petri nauim, si semel sentinam perdi-
torum Christianorum exhauriamus! Nōn-
ne Cham Nohemi filius hæresiarcharum
parens, cū iniuriam patri intulisset, domo

paterna expulsus fuit? nōne diuini verbi
præcones si quando sermones familiariter
conferrent, omnes paganos & Ethnicos
procul expulerunt? nōne Polycarpus cū
Cherinto balnea ingredi recusauit? tantum
abest vt cum eo de rebus diuinis delibera-
re vellet. Sacrarum litterarum monumen-
tis consignatum habemus in consilio Ny-
ceno trecentos Episcopos sententiam di-
xisse, in Romano nonaginta: in aliis longē
plures cū nullus infideli pateret aditus.
vtinam, vtinam, reuiuiscerent veteris disci-
plinæ Patres, Ambrosius, Cyprianus, &
innumerabiles alij veræ religionis asser-
tores qui cane peius & angue pestilentes opi-
niones improborum fugiēdas scriptis pro-
diderunt. Non diffido equidem si loqui
possent, si oculis Galliam intueri ita nu-
tantem vt vix reipublicæ formam retineat:
quin Nestoreo aut Vlyseo flumine elo-
quentiæ impudentissima mendacia istorū
malorum infectarentur. Sed quid opus
est pluribus exemplis? Magna erga me
humanitas vestra (Auditores) admonet
vela contrahere, ne longior quàm par sit
oratio vobis facessere negotium videatur.

Quare diligēter, quæso, recognoscite quot
quātæque clades; quot, vrbium euerfiones,
quot bella intestina immineant: quæ reui-
uiscere videbuntur nisi a castris bonorum
belluam lerneam arceamus: qua extincta
nulla erit tam longinqua natio, nulla tam
furda posteritas, nullæ tam ingratae litteræ
quæ ad sempiternam seculorum memoriã
huius Imperij foelicitatem non prædicent.
Excitētur ab inferis Athenienses, qui Dia-
goram exilio damnarunt, floreat fabulæ
quæ Pantheum à parentibus neglecta reli-
gionis discerptum, & Aiace quod fana
deorum violasset, fulmine tactum, testan-
tur. Nos ergo Græcis & Barbaris crudelio-
res qui versamur, colloquimur, delibera-
mus, cum hæreticis, quos in conuentu triu-
ordinum non esse audiendos, argumēto-
rum pondere in hac celeberrima frequen-
tia sumus consecuti.

DIXI

B. ii

HEROICI VERSVS QVI-
bus quæstionis iudicium
continetur.

Iuppiter excelsi solus moderator Olympi
Dolia plena duo fatis in limine portæ
Spargit, larga manus diuisis partibus æquat
Cuncta viris, alios misera formidine damnat.
Iamque alios subito celsas attollit in auras.

Hinc tibi prima mali labes, hinc cura laboris
Præcipites animos conturbat tempore duro:
Hinc captæ turres, Urbis Mauortia bello
Mœnia lata cadunt, magna clamante caterua:
Hinc vastat multos bellorum cæde cruentus
Martis eques, campis magno turbante tumultu,
Et gemini portarunt arma in prælia fratres,
Compositam pacem violarunt crimina belli.
Non aliter sæuo pugnarunt tempore belli,
Quam Iuno, formosa Venus, Tritonia quondam,
Cum deus immisit pulcherrima munera mensæ.

Nec satis est armis Gallorum perdere gentem:
Conuenit (ô crimen) fatali sede tonantem
Deturbare Iouem, redeunt ad bella Gigantes.

Hos ego sed quorum peior sententia menti
Hæret ad huc, capio: Francos errore iacentes
Caluini fœdant, lolium sic lilia vincis:

*Sic serpit cancer, sic altos hædera postes
Ascendit, superatque eductos culmine muros.*

*Ecce agitur toties quæ sit fortuna superbis
Expectanda viris, rectum, quid & vile, quid non
Consilio versare iuvat, tunc ensibus adsunt
Districtis, summo currunt clamore furentes
Hostiles animi: cæcos qui luce carerant,
Et balbi balbos, & claudos ire docerent
Claudi, terrificæ cedent sed tempora noctis
Luci: sed lunæ flammantia lumina cedent
Splendori solis, Zephyris & lætus Eois
Eurus equis cedet, tum cedent aspera duris.*

*Furtivas flammæ & crimina fœda Promethei
Ipse hominûmque deûmque parens compensat acerbo
Supplicio, miseros obscurum mittit in orcum.*

*Te quoque tetra manent inflatis æquora ventis,
Te capiet rabies, & sicca sanguine fauces,
Gallica qui semper conâris euertere regna.*

*Solis equos traheret si quondam Phæbea pubes,
Ignescunt nubes, ardentia sydera coeli
Igne micant, ardet nitidissima machina mundi:
Esse potest nunquam veri fiducia regni
Sic, ubi mortales ad vitam dogmate format
Perfidus, excors, atrox, asper & improbus ira,
Qui non custodit sanctissima dogmata Christi,
Qui posset sanctè monstrare piacula vitæ,*

*Ac veluti vasto flantes in litore venti
 Concutiunt naues celeres & turbine fluctus
 Non regit ignarus spacioſa per aquora claſſem:
 Sic quado in populo morum fit concio vulgi
 Non bene contendit, non ferrea pectora mulcet,
 Quem vitæ ſordes, quem maxima crimina damnaſcunt.
 Eſt igitur verum, quiſquis ſecreta Sibyllæ
 Seruat, conſilio vitæ monumenta beata,
 Recte ſollicitos verbis componere mores.*

Παράκατα κατὰρσις.





